


AINTÍN MÁIRE



Agallamh

MAMAÍ: Fáilte romhat, a Mháire. Conas atá tú? (Cén chaoi a bhfuil tú?)

MÁIRE: Táim go maith, go raibh maith agat.

MAMAÍ: Bain díot do chóta agus beidh cupán tae againn.

PÁID: Tabharfaidh mé do mhála suas an staighre, a aintín.

MÁIRE: Maith an buachaill, a Pháid.

Cuntas Reatha

Thug Aintín Máire bosca seacláide do na leanaí. Bhí áthas mór orthu.

CÉIM 2. AITHRIS

CÉIM 3. ATHRÁ Ó SPREAGTHAIGH

(a) Spreagthaigh shúl (mar atá i gCéim 1);

(b) Spreagthaigh chluas:

Cé hí an duine seo?

Cá bhfuil sí ina cónaí?

Céard a rinne sí?

I gcar a tháinig sí, is dócha?

Bhí rud éigin ina láimh aici?

Cuir fáilte roimpi, a “Mhamaí”.

Cuir ceist uirthi anois.

Inis di, a “aintín”.

Bhuel, a “Mhamaí”, céard faoin gcóta agus céard faoin tae?

Déanfaidh tusa rud éigin leis an mála, a “Pháid”?

Labhair go deas leis, a “aintín”.

Thug Aintín Máire rud éigin do na leanaí?

Bhí brón orthu, is dócha?

Pictiúr: Radharc:

Sa seomra suite, Mamaí, Páid agus Bríd ag fáiltiú roimh Aintín Máire, mála mór le cur i láimh na haintín, radharc tuaithe, bus, bosca seacláide; Comhartha ceiste, cupán tae, staighre, an mála i láimh Pháid, le cur sa chiorcal cainte de réir mar a oireann.

Gníomhartha agus geáitsíocht a dhéanamh de réir mar a bhíonn gá leo.

CÉIM 1. CLOISTEÁIL AGUS AITHINT

Cuntas Reatha

Is í Máire aintín na leanaí. Tá sí ina cónaí faoin tuath.* Tháinig sí ar cuairt. Ar an mbus a tháinig sí. Bhí mála trom aici.

*Sa bhaile mór, más mian.

CÉIM 4. CLEACHTADH MÚNLAÍ AGUS FOCLÓRA

1. Is í Máire aintín na leanaí.
(Brid/deirfiúr, Páid/deartháir, Nóra/seanmháthair, Tomás/seanathair).
2. Tháinig sí ar cuairt.
(gach lá, amárach, cúpla lá ó shin; níor, ar? inné; an? ní: amárach).
3. Bhí mála trom aici.
(mise, tusa, eisean, sibh, sinn, iadsan, Máire, an cailín).
4. Thug Aintín Máire bosca seacláide do na leanaí.
(mise, tusa, eisean, ise, sinn, iadsan, Páid).

CÉIM 5. SAORCHOMHRÁ CRUTHAITHEACH

1. Aithris ar an mbunchomhrá.
2. Bríd ag insint dá cara, Máire, faoi chuairt a haintín.

3. Dráma:
Mamaí agus na leanaí ag dul ar cuairt go teach Aintín Máire.
4. Comhrá faoin bpictiúr agus ceisteanna ó pháistí ar a chéile agus ar an múinteoir.

Rann Ceoil (An ceol ar théip)

I

Tháinig Aintín Máire ar cuairt inné,
Ar cuairt inné, ar cuairt inné,
Tháinig Aintín Máire ar cuairt inné,
Fáilte romhat, a Aintín.

II

Tháinig Aintín Máire ar cuairt inné
Is thug bosca milseán léi,
Bhí áthas mór ar Bhríd 's ar Pháid
Nuair a chonaic siad na milseáin.